

مدیری : ابن السری
احد جودت

مؤسسی : ابن السری
مصطفی نامق

آشیان

ادبی ، علمی ، سیاسی ، اجتماعی ، فنی ، اخلاقی هفته لق مجموعه در

پنجشنبه

برنجی جلد

نومرو ۷

برنجی سنه

۲۶ رمضان ۱۳۲۶

۹ تشرین اول ۱۳۲۴

استانبول

محل اداره سی : جفال اوغانده دائره مخصوصه

مطبعه عامره

۱۳۲۴



سرېستی مبادلات و اصول حمایه

— ۲ —

سرېستی مبادلات مکتبک بو خیالی فوائدیله چوق اوغراشمغه کلز . براز اسکی زمانه ارجاع نظرایدرسه ک حقیقی دها ای کورمش اولورز : ۱۸۶۰ شباطنک بشنده ، یعنی انکلترونک ایکی یوز سنه ممنوعیت قطعیه اصولی تعقیب ایدوبده مؤخرأ سرېستی مبادلاته قرار ویردیکنک ایرتسی کونی ، فرانسه نکه ده « حقیقته قارشى کوزلر نی آچغه » باشلادیغی کون پارس اقتصاد سیاسی جعیقی شومسئله یی موقع مذاکره وضع ایتیش ایدی : انکلترونده سرېستی تجارتک نتایجی - بو نتایجک ماهیت وطبیعی .

بومذاکره یه انکلترونک سابق فوق العاده سفیری دوقتور بوورنغ Bovvring ده دعوت ایدلمش ایدی ، مملکتده کی سرېستی مبادلات مکتبک نتایج مفیده سنی ایضاح ایتسی کنديسندن رجا اولندقه محترم دعوتلی شوصورتله اداره کلام ایتشدر :

« انکلترونک هر یرنده ، زراعتده ، صنایعده اجورات تزايد ایتیش ، هر یرده عمله احتیاج کورلمشدر !

اک غلبه لک اولان عمله صنعتک عمومیتله ترقی ایتدکترینک دلیل فقر و مذلتک ، جنایاتک آزمیسیدر . اومرتبه ده که برچوق حبس خانهلر همان بوشدر . بومؤسساتک مدیرلری یرلرینی ، مأمورلرینی نه ایله اشغال ایده جکلرینی بیله میورلر . سرېستی مبادلات نتیجه سنده خرسزلق صنعتی کار بر اقامغه باشلامش و ترک ایدلمشدر . بولندیغ قانطونده حبس خانهلرک اوچده ایکسی قیامشدر !

بونک اوزرینه دوقتور بوورنغه صورلمشدر :

— عجباً انکلز زراعتی یکی اصولدن ضرر دیده اولمادیعی ؟

— اصلاً !

انستیتو اعضاسندن موسیو پاسی H. Passy ده بونی تأیید ایتشدر .
« فی الحقیقه انکلترونده تفجیر اراضیده کی اصلاحات ، ماکنهلرک استعمالی ،

اراضینک اک ایی صورتله زرع ایدلمسی کبی احوال، تعرفه لرك اصلا حندن صکره، زراعتک ترقیسننه سبب اولمشدر. حال بوکه بدایهٔ مبارزهٔ تجاریه نك زراعتنه مضراوله جغی ظنی حاصل اولمش ایدی. بوندن بشقه اصحاب اراضینک امیدلری تخمینلری خلافنه اراضی ایجاری ده تنزل ایتمه مشدر. «

کذلک انستیتو اعضا سنندن موسیو وولووسکی Wolowski دخی عینی صورته بیان فکر ایله مشدر:

«انکلتزه زراعتی مساعی متزایده سایه سننده حبوبات اوزرینه موضوع قوانینک تطبیقندن اول اقتطاف ایتدیکی نمراتدن زیاده برترقیه مظهر اولمشدر. اراضی تفجیر ایدلمش، اراضینک زرعه ده، محصولاتک نقلنده ماکنه لر قوللانمش برچوق مفید اصلاحات اجرا اولمش و ویرکودن استحصال اولنان خدماتک تزایدی مقابلنده اصحاب املاکک راتنی زیاده لشم مشدر. اجنبی بغدایلرینک ادخالات عظیمه سی قارشوسنده بغدای استحصالاتی ترقی ایتمشدر. بو حادثاتی ناصل ایضاح ایتمه لی؟ یک ساده: موسیو (قوبدن) ک لایتنقطع تکرار ایتدیکی کبی «آچ اولان اهالی طویغه کسب قدرت ایتمش، رفاه هر طرفه کیرمش، اجورات تزاید ایلش، جنایات و جرائم اکسیلش و فقر و ضرورت ده آرخساره سبب اولمشدر. هر کس استحصالاتک شرائط اصلیه سی دائره سننده قازانغه یعنی یالکز ایضا ایتدیکی خدمتک مقابلی اوله رق نائل تتمع اولغه باشلامشدر. مبدولیت، برکت، قحط و غلا یرینه قائم اولمشدر.»

ینه انستیتو اعضا سنندن موسیو ژوزف غارینه ده باقکزه نه دیور: (لاندلورد) راتنک تدبیری مخالف جهته حرکت ایدن، موسیو پاسسی ایله وولووسکی طرفندن سرد ایدیلان اسباب — تفجیر عملیاتک توسعی، زراعت ماکنه لرینک استعمالی، اراضینک اک ایی صورتلرله اداره سی الخ... — سایه سننده تأثیرسن قالمشدر. شوراسنه دقت ایدیکز که تفجیر عملیاتک توسعه، زراعت ماکنه لرینک استعماله، اراضینک اک ایی صورتلرله ایشله دلمسنه منحصراً مساعدا اولان شو سربستی، مبادلات سایه سننده — چونکه بوتون بوشیلا اصول جایه نك کلیاً مجهولی، یا خود جایه نك تطبیقنده غیر قابل اجرا در!!.. — انکلتزه زراعتی، اجنبی حبوباتک سربستهجه ادخالی قارشوسنده، مبدول، معظم، مکمل، اوله رق

حقیقه شد. «کونش تکمیل طبیعت فیض بخش اولدینی کبی سربستی مبادلات ده هر نوع استحصالاتی فیصلندیرر.» مع هذا غریب فقط غیر قابل اعتراض بر نتیجه: بوکون انکلیز زراعتک همان ده مفقود کبی اولدینیدر. بومملکت خارجدن ملیونلرجه لیراق محصولات زراعیه ادخال اتمسه آجلقدن هلاک اولور. انکلیز یالکیز حبوبات حقننده دکل زراعت حیواناتی ایچون ده، تره یاغ، یورطه، میوه، سبزه، کومس حیواناتی ایچون ده عادتاً اجانبک جزیه کذاریدر!.. شوایستایستیکه باقلم:

انکلیزیه ادخال اولنان موادغذیه زراعیه نک فراتق حسابیه قیمت مجموعده سی:

بش سدهک وسطی	ادخالات قیتی	٪
۱۸۶۵ — ۱۸۶۱	۱,۵۵۰, ۰۱۲, ۷۶۰	۱۰۰
۱۸۷۰ — ۱۸۶۶	۱,۹۲۷, ۱۹۵, ۲۰۰	۱۲۴
۱۸۷۵ — ۱۸۷۱	۲,۷۱۱, ۷۴۶, ۸۰۰	۱۷۵
۱۸۸۰ — ۱۸۷۶	۳,۳۹۴, ۲۱۳, ۲۰۰	۲۱۲
۱۸۸۵ — ۱۸۸۱	۳,۵۱۴, ۱۶۵, ۲۰۰	۲۲۷
۱۸۹۰ — ۱۸۸۶	۳,۱۸۶, ۱۳۶, ۸۰۰	۲۰۶
۱۸۹۵ — ۱۸۹۱	۲,۲۳۶, ۸۳۹, ۲۰۰	۱۴۴
۱۹۰۰ — ۱۸۹۶	۴,۱۶۶, ۷۴۰, ۴۰۰	۲۶۹

ادخالات ۱۸۶۵ — ۱۸۶۱ دن بری یوزده ۱۶۹ فضله!

الیوم انکلیز استهلاک ایتدیکی مقدار بغدادیک یوزده ۲۲,۵ نی، اتک یوزده ۶۰, ۷ سنی، سودک و سوددن پایلان موادک یوزده ۵۳, ۲ سنی استحصالی اتمکده در.

اصلاح واکال ایدلش ماکنه لک استعمالی، اراضینک، میاه جاریه نک الک اینی اصول فنیه ایله اداره سی مع انتاسف پارس اقتصاد سیاسی جیمینک ادعایی وجهله انکلیز زراعتی اصلاح ایده مه مشدر. کویلر متزاید و متعاقباً تنهالا مشدر ۱۸۵۰ سنه سنه طوغری شهر لیلرله کویلر عدداً همان مساوی ایدیلر. بوکون کوی اها ایسی عموم مملکت سکنه سنک آنجق یوزده یکریمی اوچنی تشکیل ایده بیلکده در بو قدر چالیشقان قولارک فابریقلره، صراکیز صناعیه هججومی باطیع برچوقلرینک

ایشسز قالمیرنی، مؤسسات خیریه اداره لرینه بار اولمیرنی انتاج ایتمشدر.
 بنساءً علی ذلك دو قور بوورنغ ك خیال لرینه رغماً فقر و هذات انكلیتره ده
 تناقص ایتمه مشدر. بالعكس ایشسز لر کروهی ارباب حكوتی اندیشناك ایده جك
 درجه ده تزايد ایتكه در. (۱۹۰۶) ده فقیرلر و ایشسز لر ۹۲۶,۰۰۰ كشی به بالغ
 اولقده ایدی كه بیوك بریتانیا نفوس عمومیه سندن تقریباً یوزده یكری بشی دیمكدر.
 بر طرفنزه هر کون تزايد ایدن مهاجرت وار. اودرجه ده كه ۱۹۰۱ سنه سنده
 ۲۸۸ ملیون فراق صرف ایدن اعانه خیریه اداره سی ۱۹۰۶ ده ۳۵۸ ملیون
 فضله صرفه مجبور اولمشدر. یعنی بش سنده یتش ملیون فراق فضله مصرف..
 هم ده بومصرفك تناقض ایده چکنه دائر هیچ بر امید و علامت ده یوق..
 خلاصه سربستی مبادلاتك تطبیقندن صكره انكلیتره ده خرسزاق صنعتك
 كار براق دینی صورت رسمیه ده اثبات ایتك ممکن دكدر، ظنده یز. اكر بوبله
 اولسه ایدی بو آطه دن اوروپای بری یه وقوع بولان یان کسجیلر اخراجانی
 تناقص ایدردی.
 بونك کبی انكلیتره حبس خانهلرینك بوشال دینی وبالذات دو قور ك ساکن اولدینی
 قانطونده بر چوق حبس خانهلر ك قاپاندینی و بومؤسسات مدیرلرینك یرلری
 و غاردیانلری نه ایله اشغال ایده چکارینی، بیلدکاری ده محترم دو قور دن بشقه
 کیسه دن ایشیدامه مشدر.

عینی زاره من تحمیل



سرسری یهودی

— قلب شکسته مؤلفده —

عصای غربتی آلمش، علیل و بی درمان
 عصرلرک طولاشیر بر اینیدر .. مجروح
 خیده قامتی اوستنده آلتی بیک سنه لک